



Broj: 03-08-05-5864/17
Sarajevo, 28.02.2017. godine

KANTON SARAJEVO
Služba za skupštinske poslove

PREDMET : Odgovor na zastupničko pitanje zastupnika Zvonka Marića, dostavlja se-

Na 25. Radnoj sjednici Skupštine Kantona Sarajevo, održanoj dana 07.02.2017. godine, u okviru tačke Dnevnog reda „Poslanička pitanja, inicijative i odgovori“, zastupnik u Skupštini Kantona Zvonko Marić postavio je Ministarstvu pravde i uprave Kantona Sarajevo slijedeće zastupničko pitanje:

„Budući da znam da je znatan broj zastupnika i ministara u posjedu pisma glavne i odgovorne urednice TV SA ..., koja na tu poziciju podsjećam nije imenovala samu sebe, već u skladu sa koalicionim dogovorom SDA- SBB i zakonskom regulativom, pitam resornog ministra šta je preduzeto da se sačuva njen profesionalni dignitet? Ja nisam odvjetnik , ali kao zastupnik sa punim pravom branim dignitet funkcije javnog preduzeća TV SA, funkcija unutar njega i na ovaj način upozoravam na kršenje zakonskih načela i diskriminaciju zaposlenika da obavlja posao koji mu je povjeren. Iz obilja iznesenih opažanja i iskustava glavne i odgovorne urednice, dovoljno je samo da istaknem rečenicu koju je navela, citirajući preporuku izvršne direktorice ... : "Nemoj se ti sekirati, samo se opusti ti si ionako ovde došla kao padobranac, možeš raditi neku emisiju, i primaj visoku plaću jer ionako nisi jedina sa visokom plaćom u ovom preduzeću, a koji ništa ne radi" .

Da bi zaštitio ipak dignitet institucije čiji je osnivač Skupština KS, a ja sam izabrani predstavnik građana neću navoditi ostale pojedinosti iz ovog pisma, ali molim resornog ministra Nenadića da poduzme sve zakonom predviđene mjere i radnje, da se ovaj nemili slučaj riješi. Također napominjem da je na sceni pravna anarhija u ovoj televizijskoj kući oko izrade internih zakonskih akata kao što su sistematizacija radnih mjesta, određivanje minimalne plaće, određivanje koeficijenata gdje zaposlenik sa Višom stručnom spremom ima viši koeficijent nego sa Visokom stručnom spremom. Riječ je o nekoliko još radnji koje opet neću zbog obzira prema toj televizijskoj kući da navodim, ali u cilju sprečavanja težih posljedica i najavljenih tužbi obeshrabrenih zaposlenika molim Nenadića da zatraži inspeksijski nadzor kako ove nepravilnosti ne bi eskalirale.“

ODGOVOR

Prije detaljnijeg odgovora na postavljena pitanja, ovim putem dajemo nedvosmislenu izjavu, da Ministarstvo pravde i uprave Kantona Sarajevo u konkretnom kao i u svim drugim predmetima, postupa isključivo u skladu sa važećim propisima.



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1



Tako je odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12- Prečišćeni tekst i br. 41/12 i 8/15) propisana slijedeća nadležnost Ministarstva pravde i uprave:

"Ministarstvo pravde i uprave vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti pravosuđa, pravobranilaštva, uprave i lokalne samouprave, poslove upravne inspekcije, poslove davanja mišljenja o usklađenosti zakona i drugih propisa koje donosi Skupština Kantona, Vlada Kantona i rukovodioci kantonalnih organa uprave, sa Evropskom konvencijom o zaštiti ljudskih prava i osnovnih sloboda i drugim instrumentima za zaštitu ljudskih prava, koji imaju pravnu snagu ustavnih odredaba, kao i druge upravne poslove koji ne spadaju u djelokrug drugog organa uprave Kantona."

Kako je JP "Televizija Kantona Sarajevo" d.o.o Sarajevo javno preduzeće čiji je osnivač Kanton Sarajevo, ovo ministarstvo shodno odredbama člana 36. Odluke o usklađivanju statusa JP "Televizija Kantona Sarajevo" sa Zakonom o javnim preduzećima u Federaciji BiH ("Službene novine Kantona Sarajevo", br. 33/05, 30/08, 25/09, 22/11, 3/12 i 1/13) je u obavezi da pripremi proceduru izbora i imenovanja predsjednika i članova skupštine preduzeća i da uputi u proceduru izvještaj o radu preduzeća - Vladi Kantona i Skupštini Kantona, kao osnivaču, što predstavlja pravnu i institucionalnu vezu između ovog ministarstva i TV SA.

Takođe, veoma važna obaveza ovog ministarstva je obezbjeđivanje sredstava iz budžeta Kantona Sarajevo za potrebe funkcionisanja TV SA, na način, da se zahtjev preduzeća za sredstvima iz budžeta dostavlja putem Ministarstva pravde i uprave Ministarstvu finansija, a nakon donošenja budžeta ovo ministarstvo iz odobrenih grantova u jednakim tranšama doznačava sredstva neophodna za funkcionisanje rada TV SA.

Dakle, upiti uvaženog zastupnika Zvonka Marića, opravdani su sa pozicije osnivača čiji je zastupnik Marić član, ali davanje odgovora na postavljena pitanja zastupnika, apsolutno nisu u nadležnosti Ministarstva pravde i uprave Kantona Sarajevo, jer se odnose na unutrašnju organizaciju i poslovanje TV SA (javno preduzeće), što spada u isključivu nadležnost, pa time i odgovornost uprave preduzeća u skladu sa važećim propisima.

Ne ulazeći u iznesene političke konotacije u vezi upita zastupnika Marića, o čemu zastupnik svakako ima pravo i interes tražiti odgovore, još jednom ponavljamo, da je Ministarstvo pravde i uprave Kantona Sarajevo, organ uprave i postupa isključivo u skladu sa važećim propisima.

Neovisno od komentara iz zastupničkog pitanja, obzirom da se isto završava molbom "Nenadiću da zatraži inspeksijski nadzor kako ove nepravilnosti ne bi eskalirale", ovim putem također Vas obavještavamo da smo Vaše pitanje uputili Upravi za inspeksijske poslove Kantona Sarajevo i JP "Televizija Kantona Sarajevo" d.o.o Sarajevo, radi poduzimanja mjera iz njihove nadležnosti.

S poštovanjem,



web: <http://mpu.ks.gov.ba>
e-mail: pravda@ks.gov.ba
Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1

